

永樂大典卷之一萬九千七百八十九

一星

服 元服二

太子加元服杜佑通典周制天子元子猶士也天下無生而貴者也元子
太子也無生而貴皆由下升也明人有賢行著德乃得貴之家語冠頌曰
天子之冠擬諸侯之冠以加宣帝冠太子以正月冠諸王遣使行事書
宣帝五鳳元年正月皇太子冠皇太后賜丞相將軍列侯二千石卑人
百无太夫人八十无夫人六十无又賜列侯太子爵五大夫人男子為父後
者爵一級太平御覽孝哀皇帝庶孫定陶恭王子也嗣立為王好文辭法
律元延四年入朝盡從傳相中尉時成帝少弟中山王亦來朝獨從傳
上以問定陶王對曰令諸侯王朝得從其國二千石傳相中尉皆國二千
石故盡從之上令誦詩通習能說他日問中山王獨從傳在何法令不能
對帝由此賢定陶王數稱其材為加元服而遣之時年七十矣明年徵立
為皇太子謝曰臣幸得繼父守藩為諸侯王材實不足以假充太子宮杜
佑通典魏氏冠太子再加皇子王公嗣子乃三孫祗以為一加再加非禮

也。冠諸王。國漢遣使行事。晉惠帝之為太子將冠。武帝臨軒。使兼司徒高陽王珪加冠。兼光祿大夫。屯騎校尉。華廩贊冠。或惠冠太子。冠訖。皆即廟見。斯亦擬在廟之儀。太始六年。南宮王承年十五。依舊應冠。有司奏議禮十五成童。國君十五而生子。以明可冠之儀。又漢親遣使冠諸王。非古典。於是制儀王十五而冠。遂革使命。咸寧二年秋閏九月。遣使冠汝南王東惠帝以正月景午冠。太子詔乃廟見。懷帝亦以正月冠。皇太子宋冠。皇太子及蕃王以一加冊府元龜。宋孝武帝孝建元年正月丙寅立皇子業為皇太子。即前廢帝也。宋之東宮中庶子二率並入直永福省。大明二年。出居東宮。七年加元服。杜佑通典。齊武帝孫南郡王昭業冠。從尚書令王儉議。使太常持節一加冠。大鴻臚為贊饌酒之儀。國官陪位拜賀如常。其日內外二品清官以上詣公車門集賀。并詣東宮南門通饌。別日上禮。官臣亦詣門稱慶。如上臺之儀。既冠之後。冠日謁廟。俗議曰。皇孫冠事。歷代所無。禮雖有嫡子無嫡孫。然南郡王體自儲暉。實惟廟重。元服之典。宜異列。番依於諸王。則輕。同於諸皇。則重。按士冠禮。主人玄冠。禮主人玄冠。朝服。注云。主人冠者之父也。每其言父及兄。則明祖在不為主也。又春秋之義。不以父命辭王父命。則皇太子無專用之通。宜使太常持節一加冠。并

撰立贊冠服酒二辭不依舊制詔可也祝辭曰皇帝使給事中太常武安侯蕭惠本加南郡王冠蓋日戎賓肇加元服棄爾幼志從厥成德親賢使能克崇景福醴酒辭曰有酒既清嘉薦既盈兄弟具在淑慎儀形永永周壽於穆斯寧明帝冠太子用正月梁武帝天監十三年正月冠太子於太極殿修前代之儀太子御覽梁書曰天監十四年正月朔旦帝臨軒冠太子於太極殿舊制太子着是遊冠金蟬紫纓學至是詔加金博山冊府元龜陳文帝天嘉六年正月甲午皇太子加元服至德二年七月壬午太子加元服杜佑通典後魏孝文帝冠皇太子恆於廟詔曰司馬彪漢志漢帝有四加冠一縹布二進賢三武弁四通天朕見家範頌篇四加冠公也家語孔子之言與正經何異諸儒忽司馬彪志致使天子之子而行士冠朕以為有賓諸儒皆以為無賓孔氏所云斐然成章其斯之謂矣北史太和十七年七月立皇子恆為皇太子及冠恆於廟帝臨光極東室室引恆入見誠以冠義曰夫冠恆表之百代所以正容體齊顏色順辭令容肅正顏色齊辭令順故能正君臣親父子知夫婦慈母見必拜兄弟必敬貴以成人禮安汝元道所寄不輕汝當存名才義以順吾意北齊制皇太子冠則太尉以制幣告七廟擇日臨軒有司供帳於崇正殿中嚴皇太子空頂幘公服出立東階之南西面使者入立西階之南東面受訖入室盥櫛出南面使

者進揖諸冠席西面坐光祿卿盟訖詣太子前跪拂使者又盥奉進賢三
梁冠至太子前東面祝脫空頂幘加冠太子興入室更衣出又南就席光
祿卿盟拂使者又盥祝脫三梁冠再加進賢冠太子入室更衣設席中楹
之西使者揖就席南面光祿卿洗爵酌醴使者詣席前北面祝太子拜受
醴即席座祭之辟之尊爵降階復本位西面三師三少及在位群官拜事
訖又擇日會宮臣又擇日謁廟冊府元龜後周高祖武帝建德元年四月
立魯國公府為皇太子即立為太子親告廟冠於祚階隋書皇太子服六
等衾冕九旒末組纓青纁充耳犀首尊紺衣纁裳去日月星辰為九章白
紗內單黼黻領青綈裾革帶金鉤襍大帶黻二章玉具劍侍從祭祀及
謁廟加元服納妃則服之據晉成寧四年故事衣色用玄改用紺舊章用
織成降纁玉具劍故事以火珠鏤首改以白珠問皇中皇太子晃同天子
貫白珠及仁來元年煬帝為太子以白珠太遙表請從青珠於
是太子衾冕與三公五等皆青珠九旒裾短不及膝降天子二
寸杜佑通典隋制皇太子將冠前一日帝齋於大興殿太子與賓
賁及令健官齋於正寢其日贊明有司告廟各設筵於祚帝衾
冕即御座揖太子進升筵西向坐贊冠者坐櫛設纁賓盥訖初

加緇布冠進設頗立纓冠緇布冠進加遠冠改服訖實又受冕太子適東序
改服以出冠揖太子南面立賓受醴進冠前北面立祝之又曰太子拜受
解賓復位東面答拜贊者奉饌於冠前太子祭奠禮畢降冠進冠當御東面
拜納言承詔詣太子戒訖太子拜贊者引太子降冠西階賓少進冠之贊
者引太子進立於庭東面諸親拜訖贊者拜太子皆答拜與賓俱復位納
言承詔降命令有司致禮冠又拜帝復降作階下拜太子以下皆拜帝出
更衣還宮太子從至闕因入見皇后而還冠大唐貞觀五年正月有司上
言皇太子將冠禮宜用二月為吉請進兵以備儀注太宗曰今來作方興
恐妨農事今改用十月太子少保蕭瑀奏稱冠陰陽家用二月為勝上曰
陰陽拘忌朕所不行若動靜必依陰陽不顧禮義欲求福祐其可得乎若
所行皆遵正道自然當與吉會且吉凶在人豈假陰陽拘忌冠農時甚要不可
整失開元六年侍中宋璟上表曰臣伏以太常狀准東宮典記有上禮
之儀謹按上禮非古從南齊後魏方始有此事而垂拱神龍更扇其道群
臣飲錢獻食君上厚賜答之姑息施恩方便求利皇太子冠乃威禮自然
合有錫登冠上臺東宮兩處宴會非不優厚其上禮宜停其儀具開元禮冠

會要貞觀八年二月三日皇太子加元服永徽六年二月五日皇太子加元服內外文武官為父後者賜爵一級顯慶四年十月丙午皇太子

弘加元服後唐昭宗皇帝開元六年侍中宋璟上表曰臣伏以太常

狀以皇太子冠准東官典記有上禮之儀謹按上禮非古從南齊後魏始

有此事而垂拱神龍更扇其道群臣飲錢獻食君上辱賜答之姑息施恩

方便求利每緣一事有此再煩齊魏乃吳虜之風故不足效後車輒有前

車之戒應當取適皇太子冠乃盛禮自然合有錫鬯上臺東官兩廡宴會

非不優厚其上禮宜停冊府元龜開元七年十一月皇太子將加元服下

制曰元良所以主七聖奉杜稷員于萬國祝以三加皇太子居長德之地

務親仁之道爰就師保克修志業寢門問安而資敬太學燕習而徵善大

猷且酌元服宜中史稱周頌之年傳記魯哀之禮粵若敬始謂之成人建

茲建王武展嘉事可以來年正月加元服所司擇日奏聞禮官博士詳考

故實允符令典唐會要開元八年正月十一日皇太子將加元服告太廟

太子謁太廟十三日宴百官於太極殿杜佑通典皇太子加元服告太廟

臨軒命賓贊所司先奏請司徒一人為賓卿一人為贊冠吏部承以

戒之前一日尚舍奉御整飾御幄於太極殿衛尉設群官朝集使諸蕃客

次於左右朝堂太樂令展宮懸之樂於殿庭設樂麾位於殿上一位於懸
下鼓吹令設十二按。承黃令陳車路尚輦奏御陳興輦典儀設文官一品
以下五品以上。位於橫街之北。西面北上。諸州使人五品以上合班六品
以下位於橫街南。諸州使人六品以下。諸蕃客又在南皆西面北上。設武
官五品以上位於橫街北。東面北上。諸州使人五品以上合班諸親位於
其南。六品以下位於橫街南。諸州使人六品以下及蕃客等。又於其南皆東
面北上。設典儀位於懸之東北。贊者二人在南。少退俱西向。設賓受命位
於橫街南。道東北面。贊者位又於其後。少東北面。奉禮郎設門外文官一
品以下。位於順天門外。道東。每等異位重行。西南武官三品以下位於門
西。每等異位重行。東面。並以北為上。其日諸衛勅所部列黃麾。仗如常儀。
群官各依時刻集朝堂。俱就次。各服其服。侍中量時版奏。請中嚴。協律郎
太樂令師工人就位。諸侍衛之官各服其器服。奉迎典儀。帥贊者先入。就
位。通事舍人引先置群官入立定。又引賓贊入立於太極門外。道東。西向。
黃門侍郎引主節持幢節中書侍郎引制書按立於樂懸東南。西面北上。
侍中版奏外辦皇帝服通天冠絳紗袍。以出。曲直華蓋。警蹕侍衛如常儀。
皇帝將出。仗動太樂令令撞黃鐘之鐘。石五鐘皆應。協律郎舉麾鼓祝奏。

太和之樂皇帝升輿出自西房即御座南向坐符寶郎奉寶置於御座樂止通事舍人引賓贊入就位賓贊初行入門舒和之樂作至位樂止立定興儀曰再拜侍中及舍人前承制侍中降至賓前稱有制公再拜將加冠於某之首公其將事公少進北面再拜稽首辭曰臣不敢恐不能供事敢辭侍中升奏又承制降稱制旨某公將事無辭公再拜退復位侍中退舍人至卿前稱制旨卿再拜將加冠於某之首卿宜贊冠卿再拜舍人退黃門侍郎引主節至賓所主節授黃門侍郎黃門侍郎執節立於賓東北面賓再拜授節付主節訖又再拜主節立於賓後黃門侍郎退中書侍郎引制書按至賓所取制書在賓東北西面立賓再拜受制書執立又再拜侍按者立於賓後中書郎退興儀曰再拜贊者承傳群官在位者皆再拜舍人引賓贊出賓贊初行樂作出門樂止侍中前跪奏稱侍中臣某言禮畢俛伏興還侍位皇帝興太樂令令撞鉦賓之鐘左五鐘皆應鼓祝奏太和之樂皇帝降座侍衛警蹕如來儀入自東房樂止舍人引一品以下以次出初賓贊出門賓以制書置於按升車從轅而行威儀鼓吹詣東宮降轅入次賓贊具服其一品以下以次出着各還館九品以上詣東宮朝堂次服其服就位如冠儀冠前一日衛尉設賓次於重明門外道西南向

贊冠次又於其西南向並鋪牀席又於重明門內道西設一次擬會賓贊設文武群官九品以上及諸親并官臣次如常儀奉禮設文武群官九品以上諸親在五品之下及官臣門外位如常儀典禮設殿庭位文武群官共官臣合班諸親在五品下文官在東西面武官在西東面皆以北為上又設皇太子位於閣外道東西向設三司位於閣外道西三少位於三師之南少退東向典禮又設皇太子受制位於樂懸北北面所由設軒懸之樂於殿庭又設舉麾位於庭上一位於懸下有司設皇太子羽儀車輿於殿庭如常儀典禮設即帥其屬鋪解劍席於懸之東北冠日平明官臣皆朝服非官臣者公服三師三少公服並集於重明門外次宗正卿桑扈車侍從詣左春坊權傳左右二率各勒所部屯門列仗左廡子版奏諸中嚴工人及諸行事之官各入就位奉禮郎設壘洗於東階東南壘在洗東壘在洗西南肆壘實中加勺象與設郎鋪皇太子冠席於殿上東壘下近南西向設賓席於西階上東向設主人席於皇太子席西南西向設三師席於冠席北三少席於冠席南與設郎張帳幄於東序內設褥席於帷中又張帷於序外擬置醑物等內直即陳服於帷內東領北上衮冕服玄衣纁裳九章白紗中單鵷領襟裾革帶金鈎鞞大帶朱黻二章玉具劍大珠鐐首

瑜王雙珮朱組雙大綬四綵赤白縹紺純朱質長一丈八尺三百二十首
廣九寸小綬長二尺六寸色同大綬而首半之間施二玉環白鞵赤馬金
鉤象笏遠遊冠服絳紗袍白紗中單皂領襟襖白方心曲領絨帶絳紗
蔽膝白練裙襖白襪黑馬其革帶初珮綬笏與冕服同縗布冠玄衣素纓
白紗中單青領襟襖履韞韞革帶大帶笏縗纓同是布中方六寸屬帶於
前正端犀簪二物同箱在服南櫛實於箱又在南莞筵四紛純縹屨四續
純又在南良醢令實剛鐫醢醢加勺暴於序外帷內設罍在洗北簋在洗
南東肆實中一角觶角杓各一加暴太官令實饌豆九盞九於鐫西組在
豆北執在庭臺洗者絳公服立於臺洗之南北向執帷內鐫臺洗盞豆組
等並絳公服立於鐫臺盞豆之所是白珠九旒犀導組纓青纁克耳遠遊
三梁冠金附蟬九首施朱翠黑介憤犀導肆髮纓纓縗布冠青組纓屬於
冠冠冕各一箱盛奉禮郎二人各執立於階之西東面北上主人各贊冠
者在于焉之升諸東序帷內少北戶東西面立典謁引群官以次入就常
位初賓贊入次左庶子版奏外驛通事舍人引三師等入就閣外道西位
東面立皇太子著空頂黑介憤雙重髻玉導寶飾纓衣紫袖纓纓纓成纓
領絳縗紳烏皮履垂與以出洗馬迎於閣門外左庶子跪奏稱左庶子臣

某言請殿下降輿俛伏興還侍位皇太子降輿洗馬引之道東位西向立左庶子又前跪奏稱左庶子臣某言請殿下再拜皇太子再拜三師三少答再拜洗馬引就階東南位三師訓導在前三少訓導在後千牛仗二人夾左右其餘仗衛列於師保之外通事舍人引宗正卿入見皇太子訖通事舍人引出迎賓洗馬引皇太子初行樂作至階東西面立偃麾樂止樂時除官群樂坐工鼓祝而後行偃麾奏鼓而後止宗正卿引賓迎於門東西面賓立於門西東面宗正卿再拜賓不答拜賓入門樂作主人從入立於樂懸東北西面賓入贊冠者從入舍人引賓贊詣殿階間南立樂止贊冠者立於賓西南東面節在賓東少南西面制按在贊冠西南東面賓就按取制執洗馬引皇太子詣受制位北面立皇太子初行樂作至位樂止主節脫節衣賓稱有制皇太子再拜宣詔曰制皇太子某吉日元服卒由舊章命太尉就宮展禮訖皇太子又再拜少傳進詣賓前受制書退授皇太子皇太子受制書付庶子按退洗馬引皇太子師保等如式升東階並人從升初行樂作至階樂止入東序惟內近北西向立師保等就席位訖賓升西階宗正卿升東階各主席後初賓升舍人引贊冠者詣盥洗盥手并自東階詣序惟內於主人贊冠之南俱西面贊引皇太子出立於席

東西面賓之贊冠者取纁櫛二柄坐奠於皇太子南端興席北少東西向立賓揖皇太子進升筵西向坐賓之贊冠者進筵前東面坐脫空頂黑介幘置於箱櫛畢設纁興少北南面立賓降盥主人從降樂作賓升樂止主人從升執緇布冠者升賓降一等受之右執頂左執前進皇太子筵前東向立祝曰今月吉日始加元服棄厥幼志慎其成德壽考惟祺以介景福乃跪冠興復位東面立賓之贊冠進筵前東而跪結纁興復位皇太子與賓揖皇太子贊冠者引皇太子適東序帷內著玄衣素裳之服以出立於席東西面賓揖皇太子進升筵西向坐賓之贊冠者進筵前東面跪脫緇布冠置於黑介幘之箱櫛纁依舊不解興復位賓降二等受遠遊冠右執頂左執前進皇太子筵前東向祝曰吉月令辰乃伸嘉服克敬威儀式昭厥德眉壽萬年永受祺福乃跪冠興復位賓之贊冠者引皇太子適東序帷內著朝服以出立於席東西面賓揖皇太子進升筵西向坐賓之贊冠者進筵前東向跪脫遠遊冠置於纁箱櫛纁依舊不解興復位賓降三等受冕右執頂左執前進皇太子筵前東向祝曰以歲之正以月之令咸加其服以成厥德萬壽無疆承天之慶乃跪冠興復位賓之贊冠者跪受簪結纁興復位皇太子與賓揖皇太子贊冠者引皇太子適東序著衮冕

之服以出立於席東西面贊冠者徹纓櫛二箱入於帷內主人贊冠者又設醴皇太子席於室戶西南向下莞上藻賓之贊冠者於東席帷內盥手洗解典善卽醴加柶覆之面柄賓之贊冠受面葉立於序內南面立賓揖皇太子贊冠者引皇太子就筵西南面立賓建受醴加柶面柄進皇太子筵前北面立祝曰甘醴惟厚嘉薦令芳拜受祭之以定厥祥承天之休壽考不忘皇太子筵西拜受解賓復位東面答拜贊冠者興進饌陳於皇太子筵前皇太子升筵坐左執解右執醢橘於醢祭於蓬豆之間贊冠者取籩簋偏橘於豆以授皇太子又祭於蓬豆之間贊冠者取肺一以授皇太子皇太子奠解於薦西興受肺却左右執本坐饌右手執末以祭上左手齊之興以授贊冠者贊冠者加於俎皇太子既手興取解以柶祭醴三始板一祭又板再祭加柶於解面葉興筵末坐啐醴建柶興降筵西南面坐奠解再拜執解興賓答拜皇太子升筵坐奠解於薦東興降筵贊冠者引皇太子降自西階立於西階之東南面賓初答拜訖降立於西階之西近南東面引賓之贊冠者隨降立於賓西南東面皇太子立定賓少進字之曰禮儀既備令月吉日昭告厥字君攸宜宜之於嘏永受保之奉初字某皇太子再拜曰某雖不敏敢不祗奉又再拜洗馬引皇太子降初行樂

作至降階下位樂止。三師在南北而三少在北南面立。定皇太子西南再拜。三師等各再拜以出。於三師拜訖。典儀曰再拜。贊者承傳群官在位者皆再拜。左磨子前稱禮畢。皇太子乘輿以入。侍臣從至閤。如常儀。初皇太子降。通事舍人引賓贊。及宗正出就會所。會賓贊。賓既出。立於會所門外之西。東面北上。宗正卿立於門東。西面。立定一揖一讓而入。宗正卿立於座。東。西面。賓贊立於座。西。東面。俱再拜就座。僕伏坐。遂行酒。酒至。賓主俱興。再拜就席。坐飲。食至。賓主俱興。設食訖。賓主俱坐。食會訖。贊立於西。廂東面。南上。宗正卿立於東。廂西面。執事奉束帛之篚以授宗正卿。又執事者奉束帛。篚立於宗正之後。後牽乘馬入。陳於庭北。背西上。賓贊俱迴北面。西上。再拜。宗正卿以幣篚進。西南向授賓。執事者以幣進授贊。冠者宗正卿與執事者退。復位。賓贊降從者。以受幣。賓當庭。賓揖左右馬以出。三馬從出。從者以受馬。宗正卿出門。東。西面。賓出門。西。東面。北上。宗正卿與賓俱揖而退。賓贊就車。輅詣順天門外。復命。朝謁。朝前衛尉。先於順天門外。東。朝堂之北。設太子次。又於後設三師三少及磨事等次。皇太子冠訖。諸衛率依常行鹵簿。陳列威儀仗衛。前後都鼓吹備列。師傳以下及宮臣皆服其服。皇太子服遠遊冠。絳紗袍。乘輿以出。儀衛侍從如

常禮洗馬前導皇太子出重明門左庶子跪奏請降輿升輅又左庶子稱
令曰諾左庶子便伏興皇太子降輿升金輅三師乘輅車訓導在前三少
亦乘輅車訓從在後威儀仗衛依圖簿發引鳴鑼而行至長樂門鐘吹止
至順天門次迴輅西向左庶子跪奏請降輅就次又左庶子稱令曰諾左
庶子便伏興皇太子降輅洗馬前導入次左庶子侍右舍人引三師三少
詹事就次皇太子停於次少頃舍人奏聞典儀先於皇帝所御殿前設皇
太子位左庶子跪奏請入又左庶子稱令曰諾左庶子便伏興皇太子出
次左庶子等扶侍舍人引洗馬導引當門指引入外官不入諸儀衛圖簿
等悉陳列於門外皇太子入自東上閣洗馬左庶子等從入至皇帝所御
殿前位北向立從官陪從左庶子贊拜皇太子再拜侍中宣勅成曰事親
以孝接下以仁使人以義養人以惠詔皇太子再拜少進稱臣雖不敢
不祇奉又再拜訖引下詣皇后所御殿至殿院內給事奏聞出則皇太子
入洗馬左庶子等不入太子至皇后所御殿前北向立再拜尚儀前承令
降詣皇太子西北東面稱令旨皇太子再拜宣令戒之詞如皇帝皇太子
再拜少進稱臣夙夜祇奉不敢失墮又再拜司官引至閣舍人承引以出
皇太子還如來儀皇太子謁太廟前一日皇太子宿齋於正殿其官

臣從入廟者宿於家正寢所司拂除廟之內外衛尉設皇太子次於寢西南角東向又設三師以下及宮官次於皇太子之後少近西俱東向又設宮官次於東宮朝堂秦禮郎設皇太子版位於廟庭道東北向典儀設宮臣位於重明門外文官在東西面武官在西東面每等異位重行俱以北爲上其日本明所司依南簿陳設於重明門外宮臣應從依依時刻集朝堂次皆服朝服非朝服者服諸衛率各勒所部陳設如式左庶子版奏請中嚴僕榮輅於西閣外南向車右執刀立於輅前北向舍人引宮官各就位侍衛之官各服其器服其庶子肩輿如式俱詣閭奉迎左庶子版奏外辦僕舊衣而升正立執轡皇太子服遠遊冠絳紗袍以出左右侍衛如常洗馬引皇太子升僕立後緩命車右升訖車驅左庶子以下夾侍如式出重明門左庶子進當輅前跪奏稱左庶子臣某言請車輅權停請侍臣上馬俛伏興退稱侍臣上馬贊者唱侍臣上馬文武侍臣皆上馬官官上馬畢左庶子進當輅前跪奏稱左庶子臣某言請發引俛伏興退復俛皇太子車輅動轡喚不作文官在左武官在右至下馬所侍臣並下車馬皇太子至次所迴輅南向左庶子跪奏稱左庶子臣某言請殿下降輅俛伏興還侍位皇太子降輅洗馬引入次侍臣侍立如常皇太子入次一刻頃左庶

子跪奏稱左庶子臣某言請殿下出次俛伏興皇太子出次謂者引家令家令引皇太子入自南門三卿三少導從如式庶子二人一人贊左一人贊右舍人二人從近伏量人從入皇太子至位立定家令奏請殿下再拜皇太子再拜少頃家令奏事畢謂者引家令家令引皇太子出自南門升輅還宮如來儀至重明門外皇太子乘輅入將士傳三師三少還皇太子至殿前迴輅左庶子跪奏請殿下降輅俛伏興皇太子降入侍臣從至閣左庶子跪奏請將士各還本位其退官也如常會群臣皇太子親見廟之明日皇帝會群臣如元會之儀其上壽詞云皇太子爰以吉辰戴加元服德成禮備普天同慶臣等不勝悅慶謹上千萬歲壽群臣上禮先上禮三日本司宣令諸應上禮文武之官一品以下五品以上前一日衛尉量設次於東朝堂瀕上水七刻各集於次皆朝服奉禮郎先設上禮之官位於東朝堂南文東武西北面重行相對為首又設中書舍人位於文官為首者之北南向設奉禮郎位於文官東北贊者二人在其南差退俱西向半酒在文武二位之間少前舍人各引應上禮之官就位定今又二人對舉賀錄按禮部郎中引就中書舍人前取賀錄授舍人說引按退奉禮郎唱再拜贊者承傳在位者皆再拜中書舍人奉賀錄入進舍人引在位者退